

## Beth os na fyddaf yn cyflawni'r amodau?

Mae Rhybudd Amodol yn gytundeb rhyngoch chi a'r Heddlu/CPS.

Rydych CHI yn cytuno i gadw at yr Amod(au), ac mae'r HEDDLU/CPS yn cytuno i beidio â'ch cyhuddo.

Os na fyddwch yn cadw at eich ochr chi o'r cytundeb, yna fe allai'r Heddlu/CPS benderfynu eich erlyn.

Dylech nodi y gallai unrhyw gyfaddefiad a wnewch cyn y rhoddir Rhybudd Amodol, gael ei ddefnyddio yn ystod erlyniad petaech yn methu cadw at yr Amodau.

## Beth os caf broblem cadw at yr Amodau?

Os bydd problem gydag unrhyw rai o'r Amodau, fe ddylech chi gysylltu ar unwaith â'r person sydd wedi'i enwi ar y ffurflen.

Os oes gennych reswm da dros beidio â gallu cadw at yr Amod(au), efallai y bydd hi'n bosib ailasesu eich sefyllfa.

**Cofiwch fod gofyn am gael newid yr Amod(au) yn fater difrifol felly ddylech chi ddim gwneud hynny nes bydd popeth arall wedi methu.**

**Ni fydd yr Heddlu/CPS yn amrywio'r Amod(au) oni bai fod rheswm derbynol yn eu barn nhw. Fe ddylech wneud pob ymdrech i gwblhau'r Amod(au) y cytunoch arnynt.**

## Beth fydd yn digwydd ar ôl i mi gwblhau'r Rhybudd Amodol?

Os byddwch yn cwblhau'r Amod(au) yn llwyddiannus, dyna ddiwedd ar y mater. Fyddwch chi DDIM yn cael eich erlyn am y trosedd.

**Cofiwch:** NID yw Rhybudd Amodol yn ddyfarniad troseddol, ond bydd y Rhybudd Amodol yn mynd ar eich cofnod ar Gyfrifiadur Cenedlaethol yr Heddlu ac fe fydd yn effeithio ar y ffordd y byddwn yn delio â chi os byddwch yn mynd i drwbl eto. Mae'n bosib hefyd y bydd darpar gyflogwr yn gofyn a fu gennych Rybudd Amodol.

Os ydych chi angen i rywun egluro unrhyw beth yn y daflen hon, siaradwch â'r swyddog sy'n delio â'ch achos neu eich ymgynghorydd neu gynrychiolydd cyfreithiol cyn gwneud unrhyw benderfyniadau.



# Y Rhybudd

## AMODOL

**Mae'r daflen hon yn egluro beth yw Rhybudd Amodol a phryd y gellid ei ddefnyddio**

NID yw'r ffaith eich bod wedi cael y daflen hon yn golygu o anghenraid fod eich achos yn un addas nac y byddwch yn cael Rhybudd Amodol

**Cofiwch: Mae hawl gan unrhyw un a gafodd ei arestio i gael cyngor cyfreithiol am ddim yng ngorsaf yr heddlu.**



*Beth yw*

## RHYBUDD AMODOL?

Mae Rhybudd Amodol yn ffordd newydd o ddelio â rhai troseddau.

Fe fydd yr Heddwlas sy'n delio â'ch achos yn gallu dweud wrthyhych am y math o droseddau sy'n dod dan y cynllun yn eich ardal chi.

Gyda Rhybudd Amodol mae troseddwr, wrth gyfaddef iddo/iddi gyflawni'r trosedd, yn derbyn rhybudd gydag amod(au).

## Pa fath o Amodau allai gael eu cynnig i mi?

Mae dau fath o Amod.

Mae **AMOD AILSEFYDLU** yn ceisio eich helpu i newid eich ymddygiad fel na fyddwch yn cyflawni rhagor o droseddau. Er enghraifft, mynd i sesiynau i gael gwybodaeth a dod yn ymwybodol o effeithiau defnyddio cyffuriau.

Mae **AMOD GWNEUD IAWN** yn ceisio eich helpu i wneud iawn am y niwed rydych wedi'i achosi, un ai i unigolyn, neu i'r gymuned leol. Er enghraifft, talu am y difrod rydych wedi'i achosi.

## Pam byddwn i'n derbyn Rhybudd Amodol?

Trwy dderbyn Rhybudd Amodol, gallwch gael help i roi'r gorau i droseddu cyn i bethau waethygu.

Fe fydd hefyd yn golygu y gallwch roi rhywbeth yn ôl i'r bobl sydd wedi dioddef a'r gymuned i wneud iawn am y pethau rydych wedi eu gwneud.

Os byddwch yn derbyn Rhybudd Amodol, ac yn cadw at yr amodau, ni fydd raid i chi fynd i'r llys a fyddwch chi ddim yn cael eich erlyn.

## Beth fydd yn digwydd os byddaf yn penderfynu derbyn Rhybudd Amodol?

Unwaith y byddwch wedi cyfaddef i'r trosedd a bod yr Heddlu a Gwasanaeth Erlyn y Goron (CPS) wedi penderfynu eich bod yn addas, fe fyddan nhw'n egluro'r holl broses a'r Amodau i chi.

Byddwch yn cael ffurflen Rhybudd Amodol. Bydd y ffurflen hon yn rhoi:

- Manylion y trosedd(au)
- Yr Amod(au) y mae'n rhaid i chi gadw atynt
- Manylion sut i gwblhau'r Amod(au) ac unrhyw ddyddiadau perthnasol
- Manylion cysylltu, rhag ofn y cewch chi broblemau cadw at yr Amod(au)

Cyn y gallwch gael Rhybudd Amodol, bydd gofyn i chi gyfaddef mai chi gyflawnodd y trosedd ac arwyddo'r ffurflen i ddangos eich bod yn cytuno â'r Amod(au) a'ch bod yn deall beth sy'n rhaid i chi ei wneud.

